

Algemeen

- Conquesta Olimpiades word in veelkeusige formaat aangebied en bied 'n uitdaging aan die leerder se kennisvlakke in die onderskeie vakke (soos 'n geskrewe vasvra). Dit verskaf insig aan onderwysers omdat leerders gemeet word aan nasionale en internasionale gemiddeldes n.a.v. die uitslae van alle deelnemende skole.
 - Alle leerders behoort aangemoedig te word tot deelname; ongeag akademiese vermoëns. Vraestelle is ontwerp om leerders aan te moedig en te ondersteun sodat hulle hul deelname kan geniet. Graad 4, 5, 6 & 7 leerders moet individueel skryf en nie in pare of groepe nie.
 - Die Olimpiades sal nie die skool se leerplan of eksamens belemmer nie.
 - Leerders kan aan enige aantal van die olimpiades deelneem.
 - Let asseblief daarop dat **ons alles versend** per geregistreerde pakketpos vir naspringdoeleindes. Arbeid en onkoste vir die skole is minimaal. Ons voorsien 'n **getikte brief aan ouers**; vir u om te kopieer en huis toe te stuur saam met die leerders sodat hulle vakke kan kies en die inskrywingsgeld saamstuur. Volg slegs die eenvoudige **riglyne** wat verskaf sal word. Klaslyste mag inskrywingvorme vervang indien al die leerders vir dieselfde vakke inskryf.
-

Waarborg

- Ons waarborg dat ons 'n professioneel gedrewe besigheid is wat slegs skoololimpiades aanbied. Ons werknemers en paneellede is beroepslui in hul onderskeie velde, d.w.s. rekenarisering, administrasie en opvoeding.
 - Ons waarborg dat sertifikate elke deelnemende skool teen die einde van Oktober sal bereik sodat dit beskikbaar kan wees vir die opwindende van jaarlikse prysuitdelings.
 - In ons strewe na uitnemendheid waarborg Conquesta 'n volle vergoeding van inskrywingsfoeie as ons nie ons verbintenisse nakom nie.
-

Gerekenariseerde prosessering

- Conquesta verskaf 'n diens van internasionale gehalte. Ons doelspesifieke sagteware behartig doeltreffende en akkurate administrasie van die algehele proses; vanaf die ontvangs van inskrywings tot die druk en pos van die sertifikate.
-

Uitslae

- ELKE deelnemer sal 'n A4 kleursertifikaat ontvang, ongeag die uitslae. Die skool ontvang ook 'n sertifikaat waarin die gemiddelde prestasie, bereken vanuit die Top 10-uitslag in elke vak/graad, weerspieël word. Tesame met hierdie onderskeie sertifikate stuur ons 'n lys wat al die leerders se spesifieke uitslae persentasiegewys aandui. Die skool kan dit as addisionele rekords gebruik.
 - Uitslae word aangedui op sertifikate in kategorieë volgens die onderstaande prestasies:-

Platinum	:	85% - 100%
Diamant	:	76% - 84%
Goud	:	70% - 75%
Silwer	:	60% - 69%
Brons	:	50% - 59%
Koper	:	0% - 49%
 - Slegs leerders wat 50% en meer behaal in enige vak sal die werklike persentasie op hul sertifikate gedruk hê, bv. Wiskunde 2 : Diamant (79%), of Wiskunde 2 : Koper.
 - Sertifikate kan gerus by die skool se prysuitdelingsseremonie aan die einde van die jaar uitgedeel word.
-

Hoogste Puntstelsel – Nasionale Gemiddeldes (Uitslae beskikbaar op ons webtuiste.)

- Die uitslaelyste wat deelnemende skole ontvang, tesame met hul sertifikate aan die einde van elke jaar, weerspieël die skool se gemiddeldes volgens graad en vak.
 - Die nasionale gemiddeldes vir die vorige jaar word saam met ons uitnodigingsbrief in Januarie elke jaar uitgestuur.
-

Top 20-Skole (Uitslae beskikbaar op ons webtuiste.)

- Top 20 uitslae word slegs bereken vanuit die **10 hoogste persentasies behaal in elke vak/graad** om te verseker dat **swakker leerders NIE u skool se resultate afwaarts sal dwing** in berekening van die Top 20 nie.
 - Elk van hierdie skole sal 'n **Sertifikaat van Uitnemendheid** ontvang waarop hierdie prestasie weerspieël word.
-

Vorige vraestelle (‘n Goeie afrigtingswerktuig voordat leerders die Olimpiades skryf.)

- Ons **ou vraestelle** is 'n wonderlike hulpbron vir besige onderwysers en kan vir voortbouing in die klaskamer gebruik word. Hulle word enige tyd in die loop van die jaar te koop aangebied.
 - Vorige vraestelle word aangebied teen 'n koste van R22,00 elk, saam met 'n hanteringsfooi van R35,00 per onbepaalde bestelling (*insluitend geregistreerde pakketpos of aan u gefaks binne Suid-Afrika*). Vorige vraestelle word nie per e-pos verskaf nie.
 - Die pakket vir Graad 4, 5, 6 & 7 sluit lasergedrukte oorspronklike vraestelle, blanko antwoordblaaie sowel as antwoordmemorandums in. Leerders beantwoord die vrae deur die toepaslike blokkies op hul antwoordblaaie in te kleur. (U kan soveel afskrifte binne u skool maak soos deur u vereis.)
 - Ons het byvoorbeeld 'n bestelvorm ingesluit indien u vorige vraestelle wil bekom.
 - Dit kan ook vanaf ons webtuiste by www.conquestapastpapers.com bestel word.
-

Conquesta het in 1998 in Suid-Afrika tot stand gekom en sedertdien het ons gegroei vanaf 75 tot meer as 1300 deelnemende skole, insluitende 50% van al die Onafhanklike Skole in Suid-Afrika (ISASA). Ons glo dat die groei wat ons oor die jare gesien het, te danke is aan die hoë standaard wat ons handhaaf.